

Beschryvinghe der See-custen van Noordweghen/ van Berghen ofte Jeltetfoort af tot de Noord-carp.

I.

De gheleghentheydt tusschen de Waghe van Berghen
ende den hoeck van Stadt

Eylande
Harle.

Het Eplandt Harle is vier mijlen langh/
daer bezupden gaet de Harlefoort in/daer
in seylende kommen in de Waghe van
Berghen / dat selve seylmen oock in Jeltet-
foort / maer die strecke bewesten ofte
achter Alandt in / als in het voorgaendt
Capittel oock is gheleert. Men mach
oock als men van benoorden komt/ achter
het Eplandt van Harle om seplen/ende komen a'loo oock in
de Waghe van Berghen.

VVtweer
Clippen.

Van Jeltetfoort ofte de Waghe van Bergen noordnoord-
west/ende noorden ten westen acht ofte neghen mijlen liggen
de Clippen Vtweer ghenaemt/dat zijn uyt-Clippen die een
Luch in Zee strecken wel ontrent twee mijlen. Het is daer
tusschen beyden al gebrooken klippich landt/daermen deur
seplen mach:want de Noordsche Jachten seplen al binne de
Kiel-stroom deur/jae komen al van Kijn af binnen de Clip-
pen achter het Eplandt Harle heen/tot Berghen toe.

Zuydfoort

Van de Vtweer Clippé tot Olde is de cours noordnoord-
west/ende noorden ten westen neghen ofte thien mijlen. Daer
tusschen beyden leydt Zuydfoort/ ende is een moye Haven:
daer ligghen twee Eplanden vooz / daer tusschen beyden
looptmen in.

Olde.

Olde is een hooghe Clippe/ende leydt alleene/en doet hem
op als een Sadel / ende gaet aen beyde zyden ront neder.
Olde machmen van bezupden in seplen/ende benoorden we-
der uyt : oock van benoorden in/ ende bezupden weder uyt.
Oldefondt streckt noordoost in. Als Olde oock van u is/loo is
daer een Haven / ende is twee mijlen van de uiterste Clip-
pen/want daer ligghender twee recht west van Olde / ende
twee westnoordwest van daer. Dese selve Clippen die moe-

ten aen bagboort blijven. Als Olde zuydoost van u is/daer
ligghen twee ofte drie Clippen / die moeten alsdan aen suer-
boort blijven/ ende gaet oostnoordoost in / soo komender drie
ofte vier Eplanden/die moetmen aen bagboort laten liggen/
ende gaen daer naer dicke aen het oost-eynde van het Ep-
landt langhs/ende ghy siet Stadt buyten het landt van Ol-
de ligghen.

Het binnen landt van Olde is hoogh landt en heubelach-
tich/als oft huysen waren/ dat ghehackede binnen landt is
het landt van Stadt.

Ontrent noordwest ende noordwest ten noorden van Olde
ligghen twee rpen Clippen/sommighe onder ende sommighe
hoben water.

Bennoorden Oldefondt leyt Kijn ende Ornel/dat is als een ^{Kijn.}
Sadel van een Peert/ende gaet aen beyde zyden ront af ne- ^{Ornel.}
der/men mach daer bezupde in seplen/ende komen benoorden
weder uyt/en alsoo machmen Kijn mede doen.

Van Olde tot Kijn ist drie mijlen/maer Olde ende Stadt ^{Stadt.}
ligghen ontrent acht mijlen verscheyden.

Tusschen Kijn ende Olde gaet een groote Doert in't landt
daer ligghen twee stedekens op / ghenaeemt Waldzes ende
Esterdal. Kijn is oock een Eplandt ende doet hem op als een
Koe-clau/ ofte als een Bisschops-hoet / en achter Kijn is een
moye Haven.

Noordwest ten westen van Kijn liggen drie ofte vier Clip-
pen/sommighe onder water.

Zuydwest ten westen ligghen oock Clippen onder ende
hoben water / dese Clippen ligghen wel twee mijlen van
landt.

Bennoorden Kijn leydt de uyt-Clippe van Wtober / ende ^{Vtcover.}
daer ist dan voort al heel landt tot Flowach toe.

m

Berghen